

## ENTZUN!

IRATZEDER

*Mutiko nibun ezin egonak  
gerokoen sukarren uhainak  
han harat eremanak,  
baginoatzen Lafit-ekin, Lafit aintzindari,  
pottoka talde bat iduri,  
Uztaritzeko iratzetan jauzika,  
haren erranen begaletan ameska ...  
Eta bet-betan hara jauzten zela,  
bozkariozko ihurzuri,  
haren tanpezko irri-karkaila.*

\*  
\* \* \*

*Kentzen zauzkigun harek herabeak,  
urratzen harek ilunbeak;  
eta geroztik, zoin gure alde  
munduan baigabiltza bidez bide,  
ekaitz egunetan  
izitzeko ala etsitzeko  
ihurzuri-karrasketan,  
hara gogorat jauzten zaikula  
irrintzina bezein pizgarriko  
haren irri-karkaila.*

\*  
\* \* \*

*Bizi huntako  
itsumendu, etsimendu guzieri  
oldartu eta nausitu ondoko*

*irri-karkail hori  
kirri-karra zaio idatz-luman ari.*

*Burua hotz, begia zorrotz  
gauetz gau badabila  
dena fede, dena bibotz  
nundik ilunbeak zila,  
nundik nola gezurrak aurki  
eta nola ken osoki.*

*Sekulan ezin dio  
Euskarari ere jasan  
gezurrezko deus misterio;  
eta, kaskoin errorik ez duten,  
ari da euskal- hitzetan  
bila-bilatzen.*

*Herriko ala kanpoko  
dela jende, dela politika,  
nihar ez dauka, deusik ez dauka,  
Jainkoaz bertzerik, Jainko.  
Horiek hola,  
lurreko gauzik ederrenak  
maiz agertzen zaizko  
azal hutseko  
gaztainak  
bezala.*

\*  
\*   \*  
\*

*Denak huts agertzean,  
zer egin?*

*Otoitzean  
egon ezin-ikusiarri begira,  
entzunez fedearen beharriekin  
hutsaren hutsaz barnagoko  
Jainkoaren bibotz-pilpira...  
Eta gero,  
mundu zabaleko  
bandikerien azal hutsak oro  
trufatzeko,  
guzien pizgarri*

ENTZUN!

*airez aire igorri  
etsimendu guziez goragoko  
irri-karkaila.*



*Bere luma zorrotzaz egin du  
Lafit-ek lan eta gudu,  
bere solasez, bere urratsez  
euskaldungoa du zabaldu.*

*Orai badago  
euskal-biltzarretan  
gero-ta ixilago,  
bertzeak daudelarik eztabadan,  
kataskan eta kalapitan.*

*Batzutan banago ez ote den xutituko,  
ez ote duen  
etsaituen, etsituen, itsutuen  
bihotzak inarrosterainoko  
zerbeit adi-araziko...*

*Bai, basa-mortu lurrak  
loratzen dituzten ibaiak bezala,  
trabak, mugak, herrak  
orroaz gainditzen edo kraskatzen dituzten  
itsas-uhainak bezala,  
zenduen bezurrak  
piztu detzazken  
Jainkoaren Hatsa bezala,  
doala, bakar bezein azkar doala,  
denak bozkarioz iburzurikatzeke,  
denak euskal-amodioz elgar besarkarazteko,  
Lafit-en betiko  
irri-karkaila.*

Beloke-n 4/8/82

I

**HIZKUNTZA ETA LITERATURA  
LANGUE ET LITTERATURE  
LENGUA Y LITERATURA**